

# INUIT ATAQATIGIIT

## Inatsisartuni



31.08.2018

Inatsisartut suleriaasianni § 37 naapertorlugu Naalackersuisunut apeqqutit imaattut ingerlatippakka

### **Naalackersuisunut apeqqut:**

- 1. Naalackersuisut Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersortutik Oqartussat nalunaarutaat nr. 19, 24. novembari 2017-meersumi § 7, meeqqat arlaliullutik ineeqqami najugaqatigiileqqissinnaanissaat periarfissanngortikkumallugu allanngortikkumavaat?**
- 2. Nalunaarummi pineqartumi § 31 assigiimmik akissarsiaqarnermut sulinermilu atugaqarnissamut piunasaqaataasoq pillugu paaqqinnittarfinni suliffeqarfittut imminut pigisuni akissarsiaqarnermut sulisunullu atugassarititaasunut tunngatillugu Naalackersuisut nalunaarutitigut qummut killilersuinnginneranik erseqqissaassutiginnittumik Naalackersuisut allannguuteqartitsiniarnerpat?**
- 3. Ulloq unnuarlu paaqqinnittarfiit pillugit nalunaarummi nutaami allanngortinneqartariaqartunik allanik Naalackersuisut maluginiagaqarsimappat?**

(Inatsisartunut ilaasortaq, Sara Olsvig, Inuit Ataqatigiit)

### **Tunngavilersuut:**

Ulloq unnuarlu angerlarsimaffinni suliffeqarfittut namminersortuni, imminut pigisuni pisortaniillu ingerlanneqartuni aalaakkaasunik ilinniarluarsimasunillu sulisoqarnissaq pingaaruteqarluinnarpoq. Taamaammatt ulloq unnuarlu meeqqanik paaqqinnittarfiit pillugit nalunaarut nutaaq pingaaruteqarpoq.

Taamaakkaluortoq pisortat ingerlataanni sulisoqarnikkut aalaakkaanusumik inissisimalernissaq illuatungaagullu suliffeqarfittut imminut pigisuni pitsaasumik nukittuumillu ingerlatsinissaq qulakkeermallugu oqimaqatigiissagaalluurtumik aalajangersagaqartariaqarpoq.

Ulloq unnuarlu angerlarsimaffiit imminnut pigisut nunatsinni suliassamik pingaaruteqarluinnartumik kivitsisuupput ilaatigullu pisortanit pigineqartunit allaanerusunik neqerooruteqarsinnaasarlutik.

Taamaammatt nalunaarummi nutaami immikkoortoqarpoq nalilersoqqinneqartariaqartunik erseqqissarneqarsinnaasunillu Naalackersuisullu tamatumunnga qanoq iliuuseqarniarnersut paaserusupparput.

Apeqqutit ullut suliffiusut qulit qaangiussimatinnagit akineqarsimanissaat naatsorsuutigaarput.